

KAUTUSANG TAGAPAGPAGANAP BILANG TUGON SA COVID-19
(ATAS TAGAPAGPAGANAP PARA SA COVID-19 BLG. 40)

SAPAGKAT, ang Coronavirus Disease 2019 (COVID-19), isang bago na malubhang talamak na sakit sa paghinga na mabilis na kumalat sa buong Illinois, nangangailangan ng mahigpit na patnubay mula sa pederal, estado, at lokal na mga opisyal sa kalusugan at makabuluhang hakbang upang matugunan ang paglala ng kalamidad sa pampublikong kalusugan; at,

SAPAGKAT, ang COVID-19 ay kumakalat sa mga tao sa pamamagitan ng paghinga at nagtataglay ng malaking pagtaas ng mga peligro at mga hamon dahil ang mga taong walang sintomas ay maaaring maipasa ang birus at sa kasalukuyan ay walang mabisang paggamit o bakuna; at,

SAPAGKAT, noong Marso 9, 2020, Ako, si JB Pritzker, Gobernador ng Illinois, ay ipinahayag na lahat ng mga probinsiya sa Estado ng Illinois bilang isang lugar ng kalamidad bilang tugon sa pagsiklab ng COVID-19; at,

SAPAGKAT, noong Abril 1, 2020, idineklara ko na ang lahat ng mga probinsiya sa Estado ng Illinois bilang isang lugar ng kalamidad dahil sa napakalawak na pagkalat ng COVID-19; at,

SAPAGKAT, noong Abril 30, 2020, dahil sa inaasahang patuloy na pagkalat ng COVID-19 at ang nagiging epekto nito sa kalusugan sa buong Estado, pati na rin ang pangangailangan na maiwasan ang potensyal na kakapusan ng mga kama sa ospital, mga kama sa ICU, mga bentilador, personal na kagamitan sa proteksyon at materyales para sa pagsusuri sa birus, idineklara ko na ang lahat ng mga probinsiya sa Estado ng Illinois bilang isang lugar ng kalamidad; at,

SAPAGKAT, noong Mayo 29, 2020, dahil sa libu-libong buhay na nawala sa COVID-19 sa Illinois, ang patuloy na pagdaragdag ng mga kaso, ang patuloy na banta ng mga kakulangan sa mga kama sa ospital, mga kama sa ER, at mga bentilador, ang pinabuti ngunit hindi pa rin sapat na kapasidad sa pagsusuri, at ang pagkawasak sa pananalapi na dulot ng birus, muli kong idineklara ang lahat ng mga probinsiya sa Estado ng Illinois bilang isang lugar ng kalamidad (kasama ang mga naunang proklamasyon na binanggit sa Kautusang Tagapagpaganap na ito, ang mga proklamasyon ng gobernador para sa sakuna); at,

SAPAGKAT, kinakailangan at nararapat para sa Estado ng Illinois na magpatuloy na gumawa ng agaran at makabuluhang mga hakbang upang maiwasan o pabagalin ang pagkalat ng COVID-19 at protektahan ang pampublikong kalusugan sa pagsiklab ng COVID-19; at,

SAPAGKAT, ipinapayo ng Centers for Disease Control and Prevention (CDC) na ang paglilimita sa pakikipag-ugnay sa iba ay ang pinakamahasay na paraan upang mabawasan ang pagkalat ng COVID-19, at ang pagpapanatili ng pagitan mula sa kapwa-tao – pagpapanatili ng hindi bababa sa 6 talampakan na layo mula sa ibang mga tao, hindi pananatili sa mataong lugar – ay kabilang sa mga pinakamahasay na paraan upang pabagalin ang pagkalat ng birus; at,

SAPAGKAT, inirerekomenda ng CDC na magsuot ng mga telang takip sa mukha sa mga pampublikong paligid kung saan mahirap panatilihin ang pagitan mula sa kapwa-tao at ang pagsasagawa ng iba pang mga kritikal na pag-iingat upang mapabagal ang pagkalat ng COVID-19, tulad ng madalas na paghuhugas ng kamay, pagtakip sa bibig kapag umuubo at bumabahing, at paglilinis at pag-didisimpekta sa mga madalas hinawakang ibabaw; at,

SAPAGKAT, alinsunod sa patnubay ng CDC, ipinag-uutos ng Kautusang Tagapagpaganap 2020-38 ang mga kasanayan ng pagitan mula sa kapwa-tao, pagsusuot ng mga takip sa mukha sa mga pampublikong lugar, at limitadong pagtitipon ng sampung tao o mas kaunti; at,

SAPAGKAT, mayroong higit sa 131,000 na mga kumpirmadong kaso ng COVID-19 sa 101 na probinsiya ng Illinois; at,

SAPAGKAT, ang Illinois ay nagkaroon ng higit sa 6,260 na pagkamatay na resulta ng COVID-19; at,

SAPAGKAT, bagaman ang bilang ng mga bagong kaso ng COVID-19 ay umaayos at maaaring nagsimulang bumaba sa mga nakaraang linggo, patuloy pa ring hinahawaan ng birus ang libu-libong mga indibidwal at inaangkin ang buhay ng napakaraming mga taga-Illinois bawat araw; at,

SAPAGKAT, habang ang birus ay kumakalat sa Illinois, ang krisis na kinakaharap ng Estado ay patuloy na lumalaki at nangangailangan ng isang nagbabago na tugon upang matiyak na ang mga ospital, mga propesyonal sa pangangalaga sa kalusugan at mga unang tumutugon ay kayang ibigay ang mga pangangailangan sa pangangalaga sa kalusugan ng lahat ng mga taga-Illinois at sa paraang naaayon sa patnubay mula sa Kagawaran ng Pampublikong Kalusugan ng Illinois at ng CDC, na patuloy na pinapabuti; at,

SAPAGKAT, ang State Fair Act, 20 ILCS 210/5, ay sinasabi na ang Illinois Department of Agriculture (IDOA) ay taunang magdaraos ng isang State Fair sa Springfield, Illinois (Illinois State Fair) at DuQuoin, Illinois (DuQuoin State Fair), sama-sama, ang mga State Fair, upang maitaguyod ang agrikultura, industriya ng agrikultura, at magbigay ng mga eksibisyon at mga aktibidad sa larangan ng industriya, edukasyon, sining at paglikha, paggawa, libangan at iba pang mga aspeto na kawili-wili sa mga tao ng Estado; at,

SAPAGKAT, ang Illinois State Fair sa Springfield ay naka-iskedyul sa Agosto 13 – Agosto 23, 2020, at ang DuQuoin State Fair ay naka-iskedyul sa Agosto 28 – Setyembre 7, 2020; at,

SAPAGKAT, ang mga State Fair ay palaging nagkakaroon ng libangan, mga kumpetisyon, eksibisyon, pagtitinda, mga sakayan, at iba pang mga aktibidad na humahatak ng malalaking grupo ng kumpol-kumpol na tao – mahigit sa 600,000 na indibidwal ang dumalo sa mga State Fair noong 2019; at,

SAPAGKAT, ang pagpapanatili ng sapat na pagitan mula sa kapwa-tao at iba pang sapat na pag-iingat sa kalusugan ay magiging mahirap, kung hindi imposible, sa maraming mga aktibidad sa alinman sa State Fair; at,

SAPAGKAT, ang kalusugan at kaligtasan ng mga dumalo, mga tagapaglibang, mga kalahok sa paligsahan, mga nagtitinda, mga empleyado, at mga nakatira sa mga lugar na nakapaligid sa mga State Fair ang pinakamahalaga;

SAMAKATUWID, sa bisa ng kapangyarihang kaloob sa akin bilang Gobernador ng Estado ng Illinois, alinsunod sa mga Seksyon 7(1), 7(2), 7(8), at 7(12) ng Illinois Emergency Management Agency Act, 20 ILCS 3305, iniutos ko ang mga sumusunod:

Seksyon 1. Sa buong panahon ng mga Proklamasyon para sa Sakuna, ang probisyon sa State Fair Act, 20 ILCS 210 ILCS/5, na nagpapahintulot sa Kagawaran na magdaos nang taunang State Fair sa Springfield at DuQuoin ay nasuspindi dito. Ang Kagawarang Pang-agrikultura ay inatasang kanselahin ang mga State Fair na naka-iskedyul ngayong 2020 alinsunod sa Kautusang Tagapagpaganap na ito.

Seksyon 2. Kapag anumang probisyon ng Kautusang Tagapagpaganap na ito o aplikasyon nito sa sinumang tao o pangyayari ay hindi wasto ayon sa anumang korte ng karampatang hurisdikyon, ang kawalang-bisa na ito ay hindi nakakaapekto sa anumang probisyon o aplikasyon ng Kautusang Tagapagpaganap na ito, na maaaring bigyang bisa nang wala ang imbalidong probisyon o aplikasyon. Upang makamit ang layuning ito, ang mga probisyon ng Kautusang Tagapagpaganap na ito ay idineklarang mabigat.

JB Pritzker, Gobernador